

易經

知

鑑

錄

易

鴻城
沈錦
之署



卷之十

卷之十

叙

繼春秋而後大一統而明予奪者莫過綱目一書然而上下數千百年文成數百萬讀者若涉大海茫無津涯纂輯家就簡刪煩名手錯出而微言奧旨字義典實略焉弗詳雖極好學深思心知其意而亦無由悉其條貫迨考之他書質之師友而卒未能了然有得余素欲講求春秋大義故每樂觀綱目全篇十餘年來余厯官秦晉豫蜀皇皇幾務得以經史自娛之日絕少偶有暇刻亦不獲縱覽全史輒取諸家纂輯者繙閱之亦僅能識其大槩而已前大司馬留村公余族兄也由撫閩晉總制兩粵攜從子楚材棠前賢近代名流之文而輯之曰古文觀止余兄作之敘而梓行之迄今風行海內其正蒙養而裨後學厥功誠非淺

鮮也今年春余奉

天子命撫滇南楚材與友周子靜專星若輯有綱鑑易知錄草
萬里寄余余略觀大意法遵綱目注集王劉煩簡適宜雅
俗咸賞及信手拈一卷細閱之無義不抉無書不羅俾讀
者不必考之他書質之師友而了然有得而余亦自喜向
之僅識其大槩者今且纖毫必悉矣名曰易知良不誣也
以之正蒙養而裨後學視古文觀止之刻厥功殆為過之
其風行更當何如哉余急命付之梓爰為之敘

康熙五十年仲夏吉旦巡撫雲南兼建昌畢節等處地方贊
理軍務兼川貴兵餉都察院右副都御史愚叔存禮立蒼

氏題



序

予童年有志讀史然至老究未嘗一卒讀者何也蓋予性最拙讀時不能遽解待解移時輒忘又識字甚少時須考證且少以足疾廢六經諸子無心涉獵都邑山川不一遊覽縱有志讀史亦猶聾者之無聞盲者之無見故讀未終篇輒生厭倦此予所以究未嘗一卒讀也雖然予既有志讀史矣而欲待博羣書以悉其所聞歷名山大川以窮其所見度必不能然則予將作如何讀法而後可邪常觀世之樂於讀史者類多穎悟絕人之士一目數行俱下一覽終身不忘讀時不求甚解會心在牝牡驪黃之外故觀史務求其詳論史必歸於雅而若予之拙者欲求讀史之法寧簡毋詳寧陋毋雅庶乎其得之邪周子靜專星若予忘年友也弱冠工舉子業而尤邃史學乙酉歲攜其手輯綱目全編以示予讀史之法予遂與二子復相編輯不閒祁寒暑雨者殆六載苦簡編之汙漫為之摘要而刪繁慮大義之不明為之提綱而挈領典故則櫛撫源流詳箋細釋不必腹具經笥胸藏史鏡而燎若指掌輿地則遡厥沿革援古證今不必南浮北過西至東漸而宛如在目分涇別渭辨淄知澠則圓珠星列妍媸爛然而游移上下之見不設也沉奧屈曲之句險怪奇澀之文則點讀分明鉤駐截然而聾牙澀吻之苦不形也迨夫字畫較毫釐音聲辨纖悉務絕謬以襲謬以承謬之弊則魯魚亥豕之誤杖杜伏獵之

羞殆可免矣至若觀此而失彼記乙而忘甲則注不勝注解不勝解失注則遺複解仍晦乃立見前見後法如呼醉使醒警夢使覺則全部神理首尾貫穿不猶全體血脈上下流通也哉予乃今而知讀史之法其在是乎予因之有感矣向有志讀史而未能一卒讀及欲求一讀史之法而不可得得與二子共相編輯以迄成書縱不能博羣書以悉其所聞歷名山大川以窮其所見以視予前日之耳無聞而目無見者大有逕庭然後知觀史之不欲論史之不明者非盡天資遲鈍庸師誤人亦由編輯成書者引導無方而致然也二子屬予鏤版行之世予曰是書未可遽以問世也姑以私便檢閱自備遺忘藏之家塾以課弟子已耳適予友朱子聖懷亦寄予明紀鈔略一編遂續輯而并付之梓再閱歲工始竣二子復謂予曰若得大人先生序引則是書可行且能及遠予謂既無卓絕千古之識論定百代之興亡復鮮著作辨論之才品隲人事之得失而徒沾沾於句櫛字比審音訓義之末是殆兔園學究之所為行且不能何望及遠顏曰易知錄同予之拙者幾人鮮不病予之簡而笑予之陋也

康熙五十年秋七月十五日山陰吳乘權楚材題於尺木堂



發凡十則

通鑑刪煩

通鑑固須全讀但人之姿性高下懸絕卷帙太煩豈能一概記誦勢不得不刪然信手刪去盡失頭緒如何看得明白茲則細加斟酌事之源委人之始末起伏照應明若觀火

綱目全列

目之有綱猶傳之有經也使有目而無綱則目於何處著落而其間之褒貶予奪亦茫無所據矣茲則有有綱而無目未有有目而無綱者如人著眉如龍點眼褒貶予奪乃有定論

創立紀編

綱目正編自威烈迄五季續編自兩宋迄有元茲則上起三皇下終明代則威烈以前有元以後綱目豈敢自立然金氏有前編尊之為綱而目則變而云紀谷氏有紀事仍之為紀而綱則變而云編不敢自立綱目之名亦以不失綱目之意云爾

複出則見

是編計百七卷合三千六百張覽過不忘者無論矣然中人之資什之七八遇有人同事同典故同輿地同者觀前固昧後觀後亦遺前注不勝注解不勝解故遇有相同處隔遠者則云見幾卷幾張在上下卷者則云見上卷幾張下卷幾張在本卷者則云見上幾張或下幾張在三五張內者則但云見上見下不煩注解而無昧後遺前之失更覺通體精神

典故詳明

典故或本經傳或出子史空疎者全未講究卽素號博雅之儒亦不過識其大概而已或未必能確然指為某經某傳某子某史者不甚分曉便不親切茲則必指出為某經傳某子史且必指出為某經傳子史之某篇某章自覺有味乎其言

輿圖直指

讀史經濟全在輿地輿地不明雖熟讀全史猶如說夢然但注為郡名縣名及地名山名水名者與不注同卽或指出為某郡某縣而但為前代之郡縣名亦與不注同也茲則郡名直曰今某省某府縣名直曰今某省某府某縣山水地名直曰在某省某府某縣則國都之建立形勢之強弱戰爭之進退使命之往來如指諸掌如運諸目輿圖既熟經濟自生

別加黑圈

讀史與讀他書不同務在分涇渭別嫌微若但用密圈鮮不謬於是非昧於得失茲則遇是而得者用白圈○○○非而失者用黑圈●●●則人之賢好事之美惡言之曲直意之誠偽燦若暴置矣至有關照字眼則加尖點、點出

細分句讀

詞住而意亦住者為句用小圈於字之旁詞住而意未住者為讀用小圈於字之中使有句而無讀則文氣斷續意不深長茲則有以數句為句者有以數十句為句者中用小圈以微歇之界限分明詞旨雋永

校正字畫

字畫之謬誤於坊刻不知毫釐之差千里之謬一經道破毛骨俱竦如助作助決作決之類義雖不通而猶為一字如以謚笑之謚為謚法之謚典籍之籍為籍田之籍之類則竟溷二字而為一字矣不通孰甚焉至若甲冑之冑與胃子之胃有分戌亥之戌與戌卒之戌有別之類則又微之微者予痛恨坊刻誤人從來刻書行世俱手自繕寫謬誤頗少有識者自能賞之

辨別音聲

一字有數音一音有一義如睢陽之睢讀雖恣睢之睢讀誨乘桴之桴讀孚桴鼓之桴讀浮之類是

也一音有數聲一聲有一義如名譽之譽讀豫稱譽之譽讀餘長短之長讀場長餘之長讀仗之類是也蒙師教學信口讀去自誤誤人流毒不淺予痛恨此弊音聲卽注於本字之下且字之四角悉為圈出讀時爽心快目於初學亦不無小補云

先儒姓氏

西漢

龍門司馬氏名遷字子長龍門人父談為太史遷繼父業作史記

洛陽賈氏名誼洛陽人著有過秦論治安策

廣川董氏名仲舒廣川人著有賢良三策

彭城劉氏名向字子政本名更生著洪範五行列女傳新序說苑

東漢

茂陵班氏名彪字叔皮茂陵人著王命論及賦論奏事凡九篇○彪子固字孟堅著西漢書及兩都賦

扶風曹氏姓班名昭字惠姬彪之女適曹世叔早寡號曹大家兄固著漢書未成而卒詔昭踵成之

平陵賈氏名逵字景伯平陵人注史記及著經傳義并論難百餘萬言

長陵馬氏名融字季長茂陵人校正史記偽謬

南陽劉氏名珍字秋孫南陽人作建武以來名臣傳

瑯邪伏氏名儼字景宏瑯邪人著前漢書糾謬

北海鄭氏名玄字康成北海高密人注史記

滎陽服氏名虔字子慎滎陽人注前漢書

潁川荀氏名悅字仲豫潁川人穎陰人淑之孫刪漢書為帝紀三十卷

汝南應氏名劭字仲瑗汝南人著漢官儀及風俗通行人著漢

南陽文氏名穎字叔良南陽人注前漢書一百三十二卷

三國

巴蜀譙氏名周字允南巴西人著古史考

陳留蘇氏名林字孝友陳留人注

東海王氏名肅字子雍東海人注

安平孟氏名康字公休安平人注

馮翊如氏名高馮翊人著

雲陽韋氏名昭字洪嗣雲陽人著

餘姚虞氏名翻字仲翔餘姚人著

中山張氏名晏字子傳中山人著

西晉

高唐華氏名矯字叔駿高唐人表

巴蜀陳氏名壽字承祚巴西人著

河南晉氏名灼字子盛河南人著

高平劉氏名寶字道真高平人著

泥陽傅氏名玄字體奕本靈州人徙居泥陽撰魏書

東晉

河東郭氏名璞字景純河東人博學高才

陽夏袁氏名宏字彥治陽夏人著

陳郡王氏名隱銓之子陳郡人

餘姚虞氏名豫字叔寧餘姚人

太原孫氏名威字安國太原人博學善言著魏

襄陽習氏名鑿齒字彥威襄陽人博學

陳留蔡氏名諱字道明陳留考城人著前漢書百餘卷

嘉興于氏名實字令升新蔡人徙嘉興著晉紀三十卷春秋左氏外傳注

丹陽薛氏名瑩字文潔丹陽人撰後漢東觀記百餘卷

陽夏袁氏名崧字道高陽夏人撰後漢書一百卷

東莞徐氏名廣字野民東莞人撰史記音義十三卷晉紀四十一卷

南北朝

順陽范氏名曄字蔚宗順陽人刪後漢書成一家之作

河東裴氏名松之字世期聞喜人注三國志二十卷○松之子駟字龍駒注史記四十卷

會稽謝氏名靈運會稽人立之孫家於上虞撰晉書三十五卷

武康沈氏名約字休文武康人博極羣書善屬文著晉宋齊書

平原劉氏名昭字宣卿平原人注後漢書一百八十卷

吳郡顧氏名野王字希馮吳郡人著陳書三卷及輿地志國史記傳

清河崔氏名浩字伯淵清河人博極羣書敘成國書三十卷及校正晉書五十餘卷

鉅鹿魏氏名收字伯啟鉅鹿人纂脩國史及魏史

隋

曲陽魏氏名澹字彥深下曲陽人詔澹別成魏史編魏收之失極為簡要

博陵李氏名德林字公輔博陵人撰北齊書三十卷○德林子百藥踵作全編五十卷

唐

鉅鹿魏氏名徵字玄成鉅鹿人撰隋書本紀列傳

洛陽長孫氏名無忌字輔機洛陽人博涉書史撰隋書志行於世

宜州令狐氏名德芬宜州人隋末棄官仕唐與李延壽皆以史學名當世撰後周書

魏郡李氏名延壽字延齡相州人撰南北史一百八十卷及唐太宗政典

章懷太子名賢字明允高宗子招集名儒張太安等共著范曄後漢書

瑯邪顏氏名籀字師古瑯邪臨沂人顏子三十七世孫注西漢書

龍門王氏名勣字君懋勃之弟撰隋書八十卷

彭城劉氏名知幾字子元彭城人博覽羣書脩國史著史通內外四十九篇

浚儀吳氏名兢字叔元撰人纂脩國史事多核實世比之董狐又撰貞觀政要及大唐春秋

河內司馬氏名貞字子正河內人撰史記索隱及補三皇紀自號小司馬以別之

京兆杜氏名佑字君卿京兆萬年人撰通典

昌黎韓氏名愈字退之南陽人為文粹然一出於正學者仰之如泰山北斗脩順宗憲宗實錄

贊皇李氏名德裕字文饒贊皇人吉甫之子注前後漢書行世

五代

歸義劉氏名煦字日輝涿州歸義人撰舊唐史通鑑等書

宋

肥鄉李氏名沆字太初肥鄉人著五代史註疏十三卷

河南富氏名弼字彥國河南人篤學有大度著唐鑑纂疏

晉城劉氏名義叟晉城人脩唐史律歷天文五行志著十二代史劉氏輯唐春秋災異諸書

陽翟孫氏名甫字之翰陽翟人著唐史記二十五卷

廬陵歐陽氏名脩字永叔廬陵人文章名冠天下謚文忠撰唐書五代史

溫陵曾氏名公亮晉江人為宰相練達朝政謚宣靖與歐陽脩宋祁同脩新唐書

雍正宋氏名祁字子京雍正人庠之弟與兄同時

奉符石氏名復介字宇道奉符人師事孫

浦城章氏名衡字子平浦城人嘉祐初進士

永康徐氏名元黨字中宜永康人著五代史集注

濂溪周氏名極字茂叔道州營道人博覽羣書著太

新喻孔氏名武仲字常父新喻人著

河南程氏名顥字伯溫世稱明道先生謚純正公封河南伯

龜山楊氏名時字中立將樂人潛心

眉山蘇氏名洵字源明號老蘇眉山二十

東坡蘇氏名軾字瞻叟號東坡洵長子博通經史為文渾

穎濱蘇氏名滄字子瞻號穎濱洵次子為文汪洋

淮海秦氏名觀字少游高郵人長於議論兩漢書

淮陰張氏名冠字文潛淮陰人十二歲能文弱

涑水司馬氏名溫字君實平陽夏縣人累官端明殿學士封

道源劉氏名恕字文正脩資治通鑑別為目錄三十卷

華陽范氏名祖禹字淳父華陽人鎮從孫舉進士甲科與溫

清江三劉氏名敞字貢父清江人學問淵博為文尤瞻敏著兩漢刊誤○劉敞字原父敞之弟博極羣書

誤

南豐二曾氏曾鞏字子固南豐人文章與歐陽脩齊名世稱南豐先生著兩漢議論行世○

眉山史氏名炤字子開眉山父清卿蘇軾兄弟師

國鑑易知錄

元需

武夷胡氏名安國字康侯崇安人累官至給事中謚文定著春秋傳及脩成通鑑舉要補遺二書

致堂胡氏名寅字明仲安國長子從楊時學世稱致堂先生著讀史管見數千萬言

五峰胡氏名宏字仁仲安國季子幼事楊時侯仲良而卒傳父學以蔭補承務郎不調著皇王大紀八十卷

籍溪胡氏名憲字原仲安國從子晚年召為祕書正字朱熹師事最久世稱籍溪先生著兩漢書辨正等書

屏山劉氏名子翬字彥中崇安人轅次子痛父死廬墓三年朱熹常與之遊號屏山先生

白水劉氏名勉之字致中崇安人鄉舉詣太學師事譙定楊時號白水先生致中崇安人鄉舉詣太學師事譙定楊時

晦庵朱氏名熹字元晦婺源人松之子累官煥章閣待制名熹字元晦婺源人松之子累官煥章閣待

象山陸氏名九淵字子靜金谿人登進士第與朱子游講道於鉛山鵞湖世稱象山先生著文集行世

南軒張氏名栻字敬夫成都綿竹人浚長子穎悟南軒先生聖賢自期孝宗召為吏部侍郎學者稱南軒先生

河南呂氏名本字居仁其先河南人徙居壽州好問之子著宋論四十卷及春秋解等書

東萊呂氏名祖謙字伯恭壽州人蒙正之後倡道於婺得中原文獻之傳著左氏博議及諸史詳節大事記等書

了翁陳氏名瓘字瑩中沙縣人登進士第號了翁著兩漢議論八十卷及尊堯集十二卷

少微江氏名贊字安人養高林泉天子使人三聘之著通鑑節要二十卷自周威烈至五代行世

莆陽黃氏名公度莆田人紹興初舉進士第一工詩能文著莆田書錄及知稼集等書

金華唐氏名仲友字輔仁金華人講析經史號說齋著皇極經世圖譜及兩漢精義等書

丹稜李氏名燾字仁甫丹稜人博極羣書以名節學術知名海內作續資治通鑑長編用力四十年乃成謚文簡

侯官林氏名燾字少穎侯官人號拙齋呂祖謙嘗師之奇著書經全簡等書卒祠於學

止齋陳氏名傅良字君舉瑞安人累官至寶謨閣待制稱止齋先生著左氏章旨及兩漢博議等書

永嘉陳氏名謙字益之永嘉人累官寶謨閣待制待制名謙字益之永嘉人累官寶謨閣待制

默齋游氏名九言字訥夫建陽人年十二即為文詆切秦檜受學於張南軒累官知光化軍著有漢唐精義

李雅陳氏字季雅著漢唐

朱氏黼論著秦漢

遂昌尹氏著起華遂昌人隱居五十九卷行於世

永新劉氏書名友益永新人宋亡卜築萬山開杜門讀

龍州李氏舉進士選於易思井研人八歲能屬文乾道初

平庵項氏自號平安字平父括蒼人淳熙初舉進士

西山蔡氏異師事朱熹學者稱西山先生

南宮靖一著小學史

廬陵羅氏問該博著長源廬陵人學

雙湖胡氏部名一桂字庭芳婺源人年十八領鄉薦試禮

西山真氏名德秀字景元浦城人四歲受書過目成誦累官參

慈谿黃氏清介自守伯敬慈谿人淳祐中登進士為人

勿軒熊氏名木字去非建陽人理宗朝為寧武州

廬陵文氏名天祥字宋瑞廬陵人舉進士第一宋

疊山謝氏名枋得字君直弋陽人為文高古卓邁世稱疊山先

仁山金氏名履祥蘭谿人少經世患以史館編脩召

定宇陳氏名樸字茂叔休寧人性剛正孝友延祐初舉鄉試

圭齋歐陽氏名玄劉陽人八歲能屬文文章道德卓然鳴

平定李氏名思成字德甫平定人泰定初舉進士總

國器易知錄

先需

四